

TE NENEURAA API

NENEIHIA I ROTO I TE PIHA NENEIRAA A TE EKALESIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

Te hoo: E 2 farane i te matahiti.

No. 8

Atete 1936.

Mat. 30.

Te haapao nei te fenua i te ture no te basileia Tiretiera, no te mea te faai nei te reira i te faito o te tumu no to'na hamani-raahia, e aita oia i faahapa i te ture, no reira e haamo'ahia ia. B. F. 88:25, 26.

Ia Faa Apîhia te Fenua e Tia'i,

E tuatiraa teie parau,

Te faaroo nei matou e e faaapîhia te fenua nei e e faaho'ihia mai to'-na hnru hanahana Paradaiso ra. Hiro'a Faaroo No 10.

Te faa Apîraa o te Fenua nei.

E FAA huru ê hia te fenua nei, mai te huru o te pohe, e e faa apîhia oia mai te huru o te tia-faahou-ra. Te mau faahuru ê raa, na roto i te auahi, o te mau mea rii tumu o te fenua nei, mai tei faaitehia i roto i te mau parau mo'a, e hoho'a ana'e ia no te pohe; e te fenua apî ra, tei faahuru ê hia e tei faa apîhia ra, e hoho'a mau ia no te tino tei tia faahou mai. Ua faaauhia ia to'na tauiraa i te faahuru ê raa.

Ua hamanihia te mau mea atoa no te hoê tumu; e te mea te haapao i te ohipa tei faaauhia na'na, i to'na hamaniraa-hia, e haere ia oia i mua, mai te au i te mau otia i haapao-hia no'na, noa'tu e o te hoê ia atome e a ore ra te hoê ao, te hoê manu nainai te ore e itehia e te mata taata, e a ore ra te hoê taata.

Mai te au i ta'na i parau mai no nia i te mau tufaa i haapao-hia no te mau mea atoa ta'na i hamani, to ratou haereraa i mua, te faa apîraa e te haamo'araa, ua na ô mai te Fatu na roto i te hoê heheuraa i te peropheta ra ia Iosepha Semita, no nia i te poheraa e te tia-faahou-raa o te fenua nei: *E teie â hoi, oia mau ta'u e parau atu ia outou nei, te haapao nei te fenua i te ture no te basileia Tiritiera, no te mea te faai nei te reira i te faito o te tumu no to'na hamani-raahia, e aita oia i faahapa i te ture, no reira e haamo'ahia ia. Oia ia, a pohe noa'i, e faaanaanaea faahou-hia ia, e e haapao oia i te mana i faaanaanaea ia'na ra, e e riro ia oia ei aia no te feia parau tia i reira. B. F. 88:25,26.*

No te mea ua puehu e ua mou a'enei te tahi mau ao, mai te au i te faaiteraa a te Fatu, eita e tia ia matou ia parau e, o te hopea ia o te mau mahana e te mau fetia atoa. Te farii nei te mau feia hi'o fetia, te vai nei paha te tahi mau ao tei hamanihia i te mau materia te ore roa e itehia e te mata o te taata nei. E ere anei te tahi mau ao tei farii i te hanahana Tiritiera, tei parahihia e te mau taata tiritiera e te itehia e te mau mata tiritiera ana'e ?

I muri a'e i te tau no te mileniuma, a parahi hau noa'i te taata e te tau i muri iho mai tei faaitehia i roto i te papairaa mo'a (Apo. 20:7-15) e haamo'ahia'i te fenua nei mai tei parauhia e te mau peropheta: *E e riro te hoê ra'i apî e te fenua apî; e e au te reira i te mea tahito, maori râ ua reva'tu te mea tahito e ua faaapîhia te mau mea atoa. Etera 13:9; Apo. 21:1-4-5.*

Te hi'oraa faufaa ore o te Taata nei.

E mea pinepine a'enei te faaauraahia te iti o te taata nei i te fenua ta'na e parahi nei e tae noa'tu i te mau otia e itehia nei o te ao ta'na e parahi nei.

A faatia na i te hoho'a no te hoê mou'a e a tuu atu i te hoê taata i raro e a ore ra i nia iho i taua mou'a ra — eaha ia te auraa o taua taata ra? E te fenua nei e mea nainai oia ia faitohia i te tahi mau fetia ma te parau ore i te mau faito o te mahana e te fenua nei. E inaha, te ao nei ta tatou e ite nei e te ore e tia ia faitohia i te faito a te taata nei — noa'tu i to'na rahi — tei roto ia oia i te mau mea rii nainai ia faitohia i te mau ao e vai nei, tei vai i rotopu i te mau nunaa fetia e vai nei, e e tufaa ana'e te reira no te mau ao te ore roa e tia ia tai'ohia e te taata.

Te hoê 'Orama' no nia i te hopea ore.

Aita â i tae te hora no te horoaraa'tu i te mau faitoraa o te mau ao noa'tu e e faaite mai te reiraa i te hoê noa iho faaauraa no te reira. Noa'tu e ua pinepine a'enei te faaiteraahia'tu ia outou te Orama no nia i te hopea ore a te taata ra o John Paul Richter, te ani atu nei au ia pee mai outou ia'u i te tai'o faahouraa i te reira: "Pii atura te Atua i te hoê taata no roto mai i te basileia o te taoto, i roto i te hoê piha o te mau ra'i ma te parau atu: A haere mai oe i ô nei e e faaite atu vau ia oe i te mau hanahana o to'u nei fare." E parau atura Oia i te mau tavini tei haaati i te terono: "A rave outou i teie nei taata, a iriti ê atu i to'na ahu i'o; a horoi atu i to'na mata e a tuu atu i te hoê aho apî i roto i to'na nau apoo ihu, eiaha râ outou e hauti noa'tu i to'na mafatu taata na, te mafatu te mātā'u e te rurutaina."

"Ua na reirahia, e ma te arataihia e te hoê melahi puai, ua faaineine teie nei taata no to'na tere mure ore, e inaha,

ma te muhu ore e te aroha ore, haere atura raua na roto i te reva hopea ore. I to rau haereraa, ua na roto raua i te poiri e te medebara o te pohe tei vahi i te mau ao tei reira te ora. I te tahi mau taime ua na nia raua i te mau otia tei faaorahia e te mau raveraa tohu a te Atua.

“ E i reira, mai te vahi atea roa te tia ia faitohia i te ra'i ana'e, fâ maira te hoê maramarama na roto i te poiri. Ma te tere faito ore te haafatata maira te maramarama ia raua e te haere ra raua i te maramarama. I roto i te hoê taime poto ua tae mai te mau fetia i nia ia raua e ua faaati te maramarama o te mau mahana ia raua.

“ E inaha, tae maira te mau marehurehu mure ore, tei heheu mai, aita ra i heheuhia mai. I te pae atau e i te pae aui hoi te vai ra te mau amuiraa fetia hanahana o tei na roto i to ratou ta piti raa e to ratou pahonora mai no te atea roa mai, faatupu i te mau uputa tomoraa hanahana, e ua au to ratou mau pou e to ratou mau aroaro — te mea tarava e te mea tia — i te mau varua o te mure ore. Aita e faitoraa to te mau pou, eita e tia ia tai'o i te mau aroaro e e tahiti te mau upnta i te feruriraa o te taata !

“ I roto i te reira te vai ra te mau e'a tei haere i te mau hopea ore i nia e tei haere atoa i raro i te mau hopea ore; ua riro o nia iho ei raro a'e, e o raro a'e ei nia iho, no te taata tino hautiuti ore nei. Ua riro te hohonu ei mea teitei roa, e te mea teitei ei mea hohonu faito ore. E inaha, i to raua haereraa mai te tahi hopea ore i te tahi hopea ore, e i to raua haereraa na nia i te mau hohonu hopea ore, o te hoê reo rahi maira, — teie mau mea miterio mau, teie mau ao tei au i te mau are miti, te tae faahou maira te tahi mau teitei e te tahi mau hohonu e ua fatata roa mai !

“ I reira huti atura te taata i to'na aho, faaea ihora ma te rurutaina e oto atura. Ma te tai i roto i to'na mafatu na

ô atura oia: E te melahi, eita vau e haere faahou atu, eita e tia i te feruriraa o te taata ia faaoromai i te mure ore. Eita e tia ia faaoromai i te hanahana o te Atua. A tuu oe ia'u ia haere i raro i roto i to'u menema e a paruru oe ia'u i te mau hamani inoraa o te hopea ore, no te mea te ite nei au e, aita e hopea !

“ E o te hoê reo maira, no roto mai i te mau fetia tei faaati mai ia raua, i te na ôraa mai: E parau mau ta te taata nei; aita ihoa e hopea e aita â matou i faaroo i te reira. Ua ui maira te melahi ma te tura: Aita anei e hopea? Aita mau anei e hopea? O te reira anei oto te haapohe ia outou? E i reira afai ihora te melahi i to'na nau rima hanahana i nia i te ra'i o te mau ra'i ma te parau: *Aita e hopea i roto i te te ra'i o te Atua ! A faaroo atoa na, Aita atoa e haamataraa.*”

Te Rahi Varua o te Taata nei.

Eaha te taata nei i roto i teie amuiraa hanahana hopea ore?

Mai te au i te parau mau, ua hau atu to'na rahi e to'na faufaa, i roto i te tai'oraa o te Atua, i te mau fetia e te mau mahana atoa o te reva nei. Ua hamanihia ratou no'na; o te ohipa ratou na te rima o te Atua; e Tamaiti ia te taata na'na ! I roto i teie nei ao ua horoahia, i te taata, te mana i nia iho i na mea rii ana'e; tei ia'na ra te faaitoito ia noaa ia'na te mana i nia iho i te mau mea e rave rahi.

Te parau hua nei te mau ra'i i te hanahana o te Atua ! e te faaite nei te reva i te ohipa a tana rima ! Salamo 19:1.

Te hamaniraahia o te fenua e te reva, noa'tu i to ratou rahi, ua hamanihia ia no te hoê tumu, e ei ravea no te faatupuraa i te opuaraa rahi, mai tei faaitehia e te Atua iho:

Inaha, teie ta'u ohipa e to'u hanahana, — ia noaa te tahuti ore e te ora mure ore i te taata. Buka Poe Tao'a Rahi, Mose 1: 39.

Ua faaotihia e, e riro teie nei fenua ei ao tiretiera e e faa-hanahanahia oia. Ua na reira mai te parau i heheuhia mai. Aita a te Paari o te taata nei e parau i reira; aita e ravea ta'na no te patoiraa'tu, e a ore ra te faatiaraa'tu. Area ra, ua parau mai te Fatu, e te Atua atoa hoi, — no reira e tupu ihoa ia.

Papahia e TAMATI Aposetolo.

Ia Haapao Tatou e Tia'i.

Ua hinaaro anei outou ia manuia i roto i te ohipa faaapu? Mai te mea e, E! A haapao outou i te mau ture no te ohipa faaapu. Ua hinaaro anei outou ia manuia outou i roto i te ohipa hoo tao'a? A haapao ia i te mau ture no te reira ohipa.

Te vai nei te ture no te mau ohipa atoa i te pae tino nei, e tei te huru no te haapaoraa o taua mau ture te maitai e fariihia'i. Ia haapao maitaihia te hoê mau ture, e maitai ana'e te fariihia mai na roto i te reira; ia haapao ore hia ra taua mau ture ra, e ino ana'e ia te fariihia mai.

Te vai atoa nei te mau ture no te mau ohipa no te pae varua, oia hoi, te imiraa i te mau ravea no te haereraa i mua, e ia tae i roto i te basileia, e tei te huru hoi o te haapaoraa-hia i teie mau ture te maitai e fariihia'i mai te au i te parau i faaitiehia i roto i te Buka Fafau: *Te vai mau nei te hoê ture i haamauhia i nia i te ra'i ra, e tei nia i taua ture ra te*

*faatia
tou ne
pao m*

*Ua
Ua ha
oia i
i te r
ite. U
paohi
reraa*

*Ua
haere
teie n
Atua
Ia tae
roa hi
ia tat*

*Eita
i te oh
e tae
tou i
hi atu*

*Te
haere
no tau
tumu
taata
rau. E
Eita r
e te m*

Hoê

faatiaaahia te mau haamaitairaa atoa, e ia noaa mai ia tatou nei te maitai no ô mai i te Atua ra, ua na roto ia i te haapao maitairaa i taua ture tumu ra. B. F. 131:20,21.

Ua faaitohia mai e te peropheta ra o Iosepha Semita e: Ua haere te Atua na te e'a ta tatou e haere nei, e te tumu oia i tae ai i to'na vahi teitei ra, no to'na ia haapao-hua-raa i te mau ture, e na roto i te reira ua noaa ia'na te îraa o te ite. Ua horoa mai oia i te mau faaueraa e te mau ture ia haapaohia e te mau taata atoa, ia riro ei tauturu i to ratou haereraa na nia i te e'a ta'na i haere.

Ua faaite atoa mai te Peropheta e, e nehenehe ia tatou ia haere roa i mua e ia riro ei Atua: *Mai to te taata nei huru i teie nei, mai te reira atoa te Atua i te matamua; e mai to te Atua huru i teie nei, e tia i te taata atoa ia riro mai te reira.* Ia tae ra tatou i te reira faito, ua titauphia ia haapao maitai roa hia te mau ture e te mau faaueraa, ta te Atua i horoa mai ia tatou, eiaha te hoê ia mairi.

Eita e tia ia tatou ia mana'o e, no te mea te rave nei tatou i te ohipa maitai e te tauturu nei tatou i to tatou taata tupu, e tae tatou i roto i te basileia o te Atua ra, noa'tu e aita tatou i bapetizohia, e a ore ra aita tatou e haapao nei i te tahi atu mau ture tei horoa'toa hia mai.

Te taata te mana'o i te reira ra, hoê â ia oia i te taata te haere i te tahi fenua êê, e ia titauphia e te mau taata faatere no taua fenua ra ia rave i te mau parau ia riro oia ei taata tumu no taua fenua ra, e parau atu oia; *E taata maitai e e taata hau roa vau, aita e faufaa ia rave au i te reira mau parau.* E faatia anei taua mau taata faatere ra i to'na mana'o? Eita roa ia ! Ua horoahia te mau ture fenua ia haapaohia e te mau taata atoa.

Hoê â ia huru te mau ture na te Atua, e o te reira te tumu

rahi i bapetizohia'i Iesu. Aita oia i bapetizohia e Ioane no te haamatararaa i ta'na hara, e taata hara ore oia; ua bapetizohia oia ia faatia i te mau parau tia atoa ra. (Mat.3:16)

Hoê noa iho ravea ta tatou e vai nei ia tae i te basileia o te Atua, oia hoi, te haapaoraa ia i te mau ture e te mau faa-neraa ta te Atua i horoa mai ia tatou, e te taata te tamata i te haaparari i te uputa, e a ore ra te paiuma na te pae fare, e farii oia i te utua no te taata eia.

E rave rahi te parahiraa i te basileia ra; te mau parahiraa teitei ra, no te mau taata ia tei hau i te haapao i te mau ture atoa tei horoahia mai.

Papaihia e Iosepha Orometua.

E Tauturu Rahi No Tatou Nei TE PARAU PAARI.

I Te mahana 27 no Febuare i te matahiti 1833, ua horoahia mai, e te Atua, i to tatou Peropheta rahi ra o Iosepha SEMITA, te hoê heheuraa maitai, oia hoi, te **PARAU PAARI**. E riro te reira heheuraa ei tautururaa rahi no tatou nei mai te mea e haapao noa tatou i te reira. Ua faaitohia mai e te Fatu ra te mau haamaitairaa Ta'na e horoa mai i te mau taata tei haapao i taua heheuraa ra, tei papaihia e Iosepha Semita i roto i te Buka Fafau, pene 89 i te irava 18 e tae noa'tu i te 20. *E te mau feia mo'a atoa o te haamana'o e o te haapao mai te rave i teie nei mau parau, mai te pee e te haapaoraa i te mau faaueraa, e maitai te noaa*

i to ratou ra mau pito, e e puohia to ratou mau imi, e iteahia hoi ia ratou te paari e te vairaahia rahi no te ite, oia hoi te paari i hunahia ra; e horo hoi e e ore e rohirohi, e haere hoi e e ore e fii.

Na mua ra: Eaha te mau mea e tia ia tatou ia haapao ia noaa taua mau haamaitairaa ra? Te ua ô maira te Fatu: *E teie â hoi, e ere te mau inuraa taero i to te opu, no te faahopuraa râ o to outou mau tino. E teie â hoi, e ere te avaava i to te tino, e ere atoa hoi i to te opu, e ere atoa hoi i te mea maitai na te taata, ei raau rii râ no te mau pepe, e note puatoro i pohe ma'i hoi, ia au ra te raveraa hia mai te ite e te paari. E teie â hoi, e ere te mau inuraa veavea i to te tino e i to te opu. B. F. 89:7-9.* Te reira te mau mea ta te Atua i hinaaro ia haapao tatou, ia vaiiho tatou i te ava e te tî e te taofe e te avaava e te mau mea atoa te ore e maitai no to tatou mau tino.

E riro to tatou mau tino ei tino paruparu na roto i te raveraa i te reira mau mea. Eita e tia ia tatou ia feruri maitai, e te ohipa ta tatou e rave, e ere ia i te mea maitai roa, oia hoi, na roto i te reira mau mea ino, ua haaviivii tatou i to tatou iho tino, oia hoi, te hiero ia o to tatou varua. Ua na ô maira o Paulo; *Aita outou i ite e, o te hiero outou o te Atua, e te parahi ra te Varua o te Atua i roto ia outou na? E ia haaviivii te hoê taata i te hiero o te Atua ra, e pohe oia i te Atua; e mo'a hoi to te hiero o te Atua, e tauu hiero ra o outou ia. I Korinetia 3:16-17.*

Te parahi nei tatou i to tatou ai'a piti; ua tonohia mai tatou, e te Fatu ra, i roto i teie nei ai'a piti no te hoê tumu.

Eaha te reira tumu? Teie ia! Ia noaa ia tatou te hoê tino no to tatou varua e ia tia ia noaa to tatou ora na roto i te mau mea ta tatou e rave.

E no reira, e homa, te faatura e te haapao nei anei tatou i to tatou mau tino e a ore ra te faatia nei anei tatou ia haavii i to tatou mau tino na roto i te mau mea ino o te ao nei?

A haamana'o tatou i te hoê haamaitairaa rahi ta te Atua i faaite mai ia tatou, mai te mea e haapao tatou i te reira heheuraa, o tei na ô mai: *E te faaite atu nei au, o te Fatu, ia ratou i te parau e, e farii ê atu te melahi taparahi ia ratou, mai ia'na i na reira i te tamarii a Iseraela ra, mai te taparahi ore ia ratou. B. F. 89:21.*

PAPAIHIA E ROBETA PROMETUA.

TE MAU PARAU API

E Parau api no Makemo mai.

I te 18 no Tiunu i mairi a'enei na reva te mau taata ra o Tahauri, o Mariera, o Te, a Arahua, o Naea e na tamarii a Arahua, hoê tamahine e 5 matahiti e hoê tamaroa 1 matahiti, e haere ratou i te hopu pârau. I to ratou taeraa i na Pahere, i Kereteki, ua haere o Tahauri, Mariera e o Te i te hopu, mea taau noa na te pae, ua haere o Naea i tua i te ravaai, e o Arahua tei toe i to ratou parahiraa,

I muri iho i to Naea haereraa i tua ua reva o Arahua i tai, i te hôpu na nia i te vaa, ua vaiiho oia i ta'na tamahine ana'e i uta. Ua hopu noa ratou e tae noa'tu i te ahiahi, i reira ratou i ho'i mai ai i uta; ua ho'i atoa mai o Naea na te ravaai e te taoto ra oia i to ratou taeraa i uta. I te reira taima ua ui atu o Arahua ia Naea: Teihea te tamahine? Ua parau mai o Naea: Aore au i ite! Ua parau faahou atu o Arahua: Ua vaiihohia i uta! Parau faahou maira o Naea: Aore au i ite, aore e taata i to'u taeraa mai! Aita vau i ite ua vaiiho mai oe ia'na i uta.

Ua imi noa ratou ia'na e po noa'tura te mahana, e no te mea tei nia rii atu te tahi maa taata, o Tapuragi ma, i na Pahere i ruga, ua tae o Arahua i reira e ua ui atu oia ia Tapuragi no te tamahine, e ua pahonohia mai aita i reira. Ua imi noa ratou i taua po ra e ao noa'e, e ia poipoi ua imi ratou na tai e aita, aita roa i iteahia.

Ua tapapa atura o Tapuragi ma i te mau taata no te faaite i taua pea-pea ra e ua haere te mau taata e imi haere i taua tamahine ra e aita roa i iteahia; i te ahiahi o taua mahana ra ua parau te Tavana e reva i te oire e faaite i te huiraaatira. Ia poipoi, a haere ai te taata atoa e imi, ua hoi ratou i te oire, e i te hora 7 ua reva na metua na nia i te vaa, o Arahua raua to'na hoa e imi faahou, e ua reva atoa e 3 poti tei i te taata no te imiraa.

I te taeraa na metua i Kereteki, ua iteahia te tamahine e raua, te vai ra i nia i te tahuna, ua pohe i reira; e te vahi i mo'e ai e te vahi i iteahia'i ua fatata e 4 maille i te atea.

Ua hoi na metua i te oire mai te tapare atu i te mau poti, e ua hoi mai te mau poti i te oire; e ua hunahia taua tamahine ra i te hora pae i te ahiahi.

Te opua nei i te mau ma te machine ore.

Te opua nei te taata ra o Harvey STEPHENS, e taata teata apî, ia faa-tere i ta'na pahi reva machine ore; no reira e haere oia i nia i te hoê mou'a e 4.000 avae i te teitei no te haapee i to'na pahi reva, e te mana'o nei oia e e tae to'na mau'eraa i te hoê hanere maille i te atea.

E ofi rahi no te moana.

I te oire ra i Aberdeen, Baratane, ua tauatini e ua tauatini te taata tei haere mataitai i te toe'a no te hoê ofi rahi no te moana. Teie te faito o te vahi i toe mai, 12 avae i te roa e 1.200 paunu i te teiaha.

Ua arohahia mai e te Atua.

No te paura rahi i tupu i te tufaa apatoa no te hau Amerika, ua mārō roa te fenua e ua fatata te mau faaapu i te pohe ua faatupuhia te mau pureraa, no te aniraa i te ua, i roto i te mau fare pureraa e rave rahi te hanere. I te avae i mairi a'enei ua arohahia ratou e te Atua na roto i te ua i haamairihia i nia i ta ratou mau faaapu, e no te reira ua faatupu faahouhia te mau pureraa oaoaraa.

No te amuraa i te faraoa monamona.

I te oire ra i San Francisco, Amerika, ua fatata roa e 40 e tiahapa taata i te pohe i te mahana hoê: ua taerohia ratou no te amuraa i te faraoa monamona i hoohia e ratou i roto i te hoê fare toa.

Na te manu parau taata i faaora.

I te utuafare o Green ma, i te oire ra i Eaanston, te vai nei te hoê manu parau taata fanao roa, e amu oia i te faraoa paapaa i te mau taime atoa ta'na e ani. Te tumu i na reirahiā'i, teie ia: I te tahi mahana a parahi ai to'na fatu vahine i te fare ua parari te hoê tuyau matai taero i raro a'e i te fare e ua ma'i te reira na roto i te fare e ua haamata taua vahine ra i te taero. I te reira taime ua haamata oia i te ani atu i te tanturu na roto i te niuniu aita ra oia i manuia no to'na paruparu. I reira ua mau atu te manu parau taata i pihaiho i te niuniu e ua parau atu ma te puai i te parau ta to'na fatu vahine i parau e aua oia i na reira i ora'i to'na fatu.

Ua ati te mutoi.

A taoto ai te raatira mutoi ra o J. W. Hurst, tei faataahia ta'na ohipa o te imi ia i te mau taata eia, ua tomo te hoê taata eia i roto i to'na fare e ua rave i to'na piripou. I to'na araraa mai ua mo'e te piripou, te tapao mutoi te pute vairaa pupuhi e e 21 tara. E ohipa ia na'na i te imiraa i taua taata eia ra.

E hopu i te pape ma te faaroo i te upaupa.

I te oire ra i New York, Amerika, ua faatupu te hoê hotela rahi i te hoê ravea api no te faaarearea i te mau taata te hopu i te pape i roto i ta ratou apoo hopuraa ra, oia hoi, e faaroo ratou i te upaupa a hopu uoa'i ratou i te pape. E ohipa api mau teie.

Louis Drollet Gérant

Le Roy Mallory Imprimeur.

Rue Dumont d'Urville, Orocini, Papeete, Tahiti.

do 2

ohip
oe h
o te
B.

e te
oroa
hia i
sia,
Feia
oroa
poa